

古評

文乙

韻古

語文



附 卷

乙 文

書 卷

大 師



評

乙

古

文

李
堪
稿

中
華
書
局

評乙古文

此據畿輔叢書本
排印初編各叢書
僅有此本

評乙古文序

塋自幼治古文，規模唐宋八大家，及壯後，王崑繩過而見曰：是亦爲斥鴳所誤，而控於榆枋者也。蓋宗秦漢，問其說，一一皆解，因憮然曰：與其宗秦漢，何如宗六經？六經乃古文也。於是教授之餘，偶評乙數篇存案。辛亥冬，白任若自南府來，曰：高足杜友三、李文長，知先生患病久，艱於訓誨，謀公糾分資，開雕評乙古文示人。於先生守先待後之志，或有憊焉。塋聞之，以爲文者載道之器，學者入道之方，書之二典三謨，大學所謂明德親民者全矣。地理之卜吉凶，著於盤庚，天道之元亨利貞，繫於大易，詩之關雎，則造端乎夫婦也。周禮鄉遂諸官，乃明親養教之定則也。始於曲禮，終以王義，孔孟言學，首明仁義，不以遯爲肥，不爲利所溺，而學道乃定。王降而霸，而漢唐宋明，可以知人論世矣。其間異道亂道者，賴韓子原之，曲學痼學者，賴顏子存之。習齋有存學久刊行惟期學者皆庸言庸行，敬修闇修，則學可成，道可得矣。故以先君子之書終焉。二子所謂守先待後者，庶其合乎，是爲序。

雍正十年歲次壬子端月下浣恕谷七十四歲病叟李塋拜識

評乙古文卷全

堯典

盡縣李 棲稿

尙書

二典。紀聖帝之事也。君主事者也。三謨。紀聖臣之謀也。臣出謀者也。禹謨。養民也。皋陶謨。知人也。益稷。則期君臣交敬以成之也。五篇。一篇也。

曰若稽古帝堯曰放勳。句。欽。句。明。句。文。句。思。句。安安。句。允恭。句。克讓。句。光被四表。句。格于上下。句。克明俊德。以親九族。九族既睦。平章百姓。百姓昭明。協和萬邦。黎民於變時雍。

孔傳曰。若。順。稽。考。勳。功。黎。衆。史將述堯之美。故爲題目之辭曰。順考古道而行之者。是帝堯也。乃申其順考古道之事曰。放而無所不至者。其功乎。其功見于德。欽而敬也。明如日月也。文有經緯也。思作睿也。自然中道也。信恭也。能讓也。光被四外。以至上天下地也。其功著于衆。則能顯諸後德之人。以親高曾及元孫之九族。由是而平和章明乎百官。由是而協和萬國諸侯。時之衆民。於乎變化風俗太和。克明句。爲五篇之綱。下命義和。命舜。以及命九官四岳十二牧。言臣鄰股肱。皆繼堯之克明也。孟子所謂爲天下得人。謂之仁也。鄭康成曰。使德。賢才兼人者。敘德如萬笏上朝。敘業如九曲下注。九族有丹朱。百姓有驩兜。共工。而云陸云明者。堯禪舜而朱無言。四罪而然以去。足見陸與明也。

乃命羲和。欽若昊天。歷象日月星辰。敬授人時。

歷。紀時月日者也。象。測天之器。如璇衡之類也。辰。日月所舍也。敬授民時。則允釐百工。庶幾威服者具矣。人時。農也。發也。而明倫。司禮。司樂。司刑。虞。工。納言。皆所以成養也。羲。和。二氏。

分命羲仲。宅嵎夷。曰暘谷。寅賓出日。平秩東作。日中星鳥。以殷仲春。厥民析。鳥獸孳尾。申命羲叔。宅南交。平秩南訛。敬致日永星火。以正仲夏。厥民因。鳥獸希革。分命和仲。宅西。曰昧谷。寅饒納日。平秩西成。宵中。

星虛以殷仲秋厥民夷鳥獸毛毳申命和叔宅朔方曰幽都平在朔易日短星昴以正仲冬厥民隤鳥獸毛毳

鳥、南方朱鳥七宿井、鬼、柳、星、張、翼、轸也。火、東方蒼龍七宿、角、亢、氐、房、心、尾、箕也。虛、北方元武七宿、斗、牛、女、虛、危、室、壁也。昴、西方白虎七宿、奎、婁、胃、昂、畢、熊、參也。孔傳曰：昏星也。殷正訛化也。南訛、東作、西成、朔易、皆言農事也。在祭易改也。梅定九曰：古之聖人，以日之所在，不可以目視而器窺也，故爲之中星以紀之。鳥、火、虛、昴，此萬世求歲差之根數也。又以日之出入資敘，不可以一方之所見爲定也，故爲之綱要、昧谷、南交、朔方之宅，以分候之。此萬世求里差之定法也。迎日如賓，納日如敵，煉字之法，析、丁壯就田功，老弱因冬在室處分析也。因老弱就在田之丁壯，以助農也。夷、平，仍俱在田也。敬致、敬行其教，以致其功。四時同舉于夏也。

帝曰咨汝羲暨和曆三百有六旬有六日以閏月定四時成歲允釐百工庶績咸熙

孔傳：釐、治。工、官。熙、廣。堯之位天地而育萬物，在洪水前已如此，而中忽遭水災，乃又命舜等諸臣焉。堯典紀治略而略藏，舜典紀治詳而明舉，文家詳略互用，明暗相間之法也。

帝曰疇咨若時登庸放齊曰胤子朱啓明帝曰吁嚚訟可乎帝曰疇咨若子采璫兜曰都其工

方鳩僝功帝曰吁靜言庸違象恭滔天

正義曰：堯末年，羣臣有闕，故復求後德也。若時、調變陰陽，宅揆之職也。胤子、堯嗣子。孔傳曰：吁、疑怪之辭，言不忠信爲惡。采、事，農教禮樂諸事也。都、嘆美之辭。鳩、聚。僝、見。滔天、心傲狠若濫天也。可乎、言必不可也。疇咨、句如豆棚雨霽，愛暎之辭。萬世如聞，而一句數讀，練句之法。堯之初年，雖克明後德，而人才不能如舜禹治水時聖賢薈聚也。蓋大禩之生，天所以開聖賢也。聖賢之生，天所以濟大難也。此乾坤偉見者也。故孔子曰：舜有臣九人，又曰：唐虞之際爲盛，追禹啓時而又蕭落矣。

帝曰咨四岳湯湯洪水方割蕩蕩懷山襄陵浩浩滔天下民其咨有能俾乂兪曰於緜哉帝曰吁咈哉方命圮族岳曰異哉試可乃已帝曰往欽哉九載績用弗成

孔傳曰：湯湯、流貌。蕩蕩、水奔突濺除物也。浩浩、廣大。襄、上。食曰、朝臣皆言。嘯、戾。圯、敗。王曰：方、不行也。異、同異。言其才智異人也。試可、言但試之治水。求其可也。乃已、言不必他求也。是以堯姑從之也。洪水連篇三句，見堯受之甚。而治水、二帝最大之功也。

帝曰：咨，四岳！朕在位七十載，汝能庸命，巽朕位。岳曰：否，德忝帝位。曰：明明揚側陋。師錫帝曰：有鰥在下，曰虞舜。帝曰：兪，予聞如何。岳曰：瞽子，父頑，母嚚，象傲，克諧以孝，烝烝乂，不格姦。帝曰：我其試哉。女于時，觀厥刑于二女。釐降二女于澠，嬪于虞。帝曰：欽哉。

四岳：蔡氏以爲一人而主四岳諸侯。近是。孔傳曰：四人，則異之以位，異何人哉。蓋以老臣而爲公孤，以主天下諸侯，如周之周召也。蔡註曰：明明、舉已在位者。揚側陋、舉未任位者。師錫、衆與也。觀側微時、衆稱虞舜。下文堯曰：格汝舜。舜曰：咨禹，則舜禹名也。堯亦必名也。史記以放勳重華文命爲名，非也。兪、然其言也。烝、進。父、治。格、至。女、妻。刑、法。降、下。澠、澠水之汭。舜所居也。嬪、婦也。時、問是。指舜、堯妻舜二女。觀其能刑家否。舜則釐治降下二女之心于澠。二女則盡婦道于虞氏。而妻嬪齊慤。舜且協二女以致底豫矣。宜堯贊之以欽，而終異以歷數也。堯舉舜，而克明俊德至矣。五臣九官，拔茅連茹矣。格天德業，造端乎夫婦。此亦一篇之大旨也。以欽起。以欽結。中曰：欽曰：寅，皆欽也。

舜典

曰：若稽古帝舜。曰：重華，協于帝。濬哲文明，溫恭允塞。玄德升聞，乃命以位。

重華：堯已華，而舜又華也。濬、深。哲、智。文理光明。溫、和恭敬。允、信。塞、固。皆元德也。升聞、命位。承上篇下文也。堯、遭變之聖人也。自洪荒至此，運極上九，窮災四起，天則洪水降割，人則子微臣遠，非得舜而世亂之不可爲治。故命舜攝位，而禹、而皋陶、舜皆舉之，別煥一新朝廷也。天下隆和者二百餘年，非堯之知進知退，允蹈天則，不能有此補救也。揖讓，非得已也。孟韓皆未之及也。

慎微五典。五典克從，納于百揆。百揆時敘，賓于四門。四門穆穆，納于大麓。烈風雷雨弗迷。

慎微五典：而天下從。孔傳：謂舜舉八元，布于天下。杜註：左傳：謂八元即稷契之屬。納百揆而時敘。孔傳：謂舉八凱無廢事。杜註：八凱有廷堅，即皋陶，賓于四門，則兼四岳之任。納于大麓，則率禹益以隨刊也。蓋皆堯舜數

治。而舜統領諸臣也。五典。孟子所謂君臣、父子、夫婦、兄弟、朋友也。穆穆。爾雅曰。美也。敬也。揆。度也。

帝曰。格汝舜。詢事考言。乃言底可績。三載。汝陟帝位。舜讓于德弗嗣。正月上日。受終于文祖。

孔傳曰。格。來。乃。汝。底。致。言問汝以事而考汝之言。汝言之所至。皆可有功。即上慎微四句也。今已歷試三載。汝升帝位可也。舜辭不獲。乃以正月朔日。受堯帝位之終。于堯祖廟而攝位焉。大位不可以輕授受。故堯告于文祖也。黃帝爲堯五世祖。想即文祖。

在璿璣玉衡以齊七政。

璿。即後世之渾天儀也。衡。所以窺之也。伏生大傳曰。七政。天、地、人、四時也。各有政事。故定天行以齊之。猶堯之敬授人時也。

肆類于上帝。禋于六宗。望于山川。徧于羣神。

告神祇以攝位也。肆。遂也。類。類于郊也。上帝。天地之主宰也。禋。精意以享也。六宗。祭法曰。四時寒暑、日、月、星、水旱也。望者。山川或近或遠。一時望而祭之也。羣神。孔傳曰。謂丘陵墳衍。古之聖賢之類。

輯五瑞。既月乃日。覲四岳羣牧。班瑞于羣后。

古天下之大勢在諸侯。故攝位而即輯瑞巡狩。以與之正始焉。輯。合也。既月。定于正月爲盡也。故于此月日日見四岳。使率天下羣后。見州牧。使率一州羣后。敘瑞而以冒符合之。非僞。復班之。班。還也。

歲二月。東巡守。至于岱宗。柴。望秩于山川。肆覲東后。協時月。正日。同律度量衡。脩五禮。五玉。三帛。二生。一死。贊。如五器。卒乃復。五月。南巡守。至于南岳。如岱禮。八月。西巡守。至于西岳。如初。十有一月。朔巡守。至于北岳。如西禮。歸格于藝祖。用特。五載一巡守。羣后四朝。敷奏以言。明試以功。車服以庸。

孔傳曰。燔柴。祭天也。秩。如其秩次也。如五岳視三公。四蠻視諸侯也。五禮。吉、凶、軍、賓、嘉、也。五玉。即五瑞。三帛。諸侯世子執纁。公之孤執元。附庸之君執黃。二生。卿執羔。大夫執鴈。一死。士執雉。皆贊也。如。同也。劉說云。器。五禮之器。藝祖。即文祖。舜尚未自立廟也。特。一牛。四朝。東、西、朔、南、四處也。言巡守不言述職者。紀舜攝位首事。故不及而比類見矣。

肇十有二州。封十有二山。藩川象以典刑。流宥五刑。鞭作官刑。扑作教刑。金作贖刑。眚災肆赦。怙終賊刑。欽哉。欽哉。惟刑之恤哉。流其工于幽州。放驩兜于崇山。竄三苗于三危。殛鯀于羽山。四罪而天下咸服。

孔傳曰。禹治水后。舜分九州爲十二。故云始也。典刑。墨、劓、剕、宮、大辟之常刑也。象、法也。有可宥者則流之。再輕則贖之。皆而過謫。災而不幸。則赦之。惟怙奸以終者殺之。扑、夏楚也。舜敷政在攝位時。而大者則治水。明刑。故于此特言之。然不言命禹皋陶。且敘敘明倫俱不及。惟暗藏微五典數句內。至即正後諸功已成。乃追補稷契等事。實者虛之。虛者實之。變化極矣。即史記漢書且束手。況其後乎。四罪。在禹治水前。倒敘前後錯綜。以側微登庸四竄之。而寂無一言。智勇至矣。

二十有八載。帝乃殂落。百姓如喪考妣。三載四海遏密八音。月正元日。舜格于文祖。

堯終而舜即正。故二典不可斷讀也。

詢于四岳。關四門。明四目。達四聰。

詢。問也。問于四岳。令關四方之門。廣致賢才。明四方之目。達四方之耳。一無壅蔽。卽下爲知人安民也。舜子業正登朝。從欲以治之時。汲汲皇皇如此。唐虞之文。素煉至矣。後儒乃將謬楚語。洵口而出。亦自外于經史矣。堯在位百歲。初年之四岳十二牧。未必猶存。或嗣位者。或其子孫也。

咨十有二牧曰。食哉惟時。柔遠能邇。惇德允元。而難壬人。蠻夷率服。

凡咨皆數辭。聖心憂勤。故將言而先數也。戒十二州之牧。以戒諸侯也。不遠農時。足食也。遠易充。故欲其柔。近易厭。故欲其能。厚有德。信仁人。拒險壬。皆守土之道。所亡汨作九共。雖低十一篇。皆言懷諸侯事。以此推之。

舜曰。咨。四岳。有能奮庸。熙帝之載。使宅百揆。亮采惠疇。僉曰。伯禹作司空。帝曰。兪。咨。禹。汝平水土。惟時懋哉。禹拜稽首。讓于稷契。暨臯陶。帝曰。兪。汝往哉。

舜初卽位，故稱舜曰，以別于堯。下文則稱帝矣。史文精細如此。舜總百揆，以卽帝位，故命禹，而以下諸官，皆申命之也。堯采、明其事，惠疇、順其類，禹舊作司空，以平水土也。諸臣治功已成，舜申命之，故孔子曰，惟舜無爲而治，堯禹不能也。

帝曰：棄黎民阻饑，汝后稷播時百穀。帝曰：契，百姓不親，五品不遜，汝作司徒，敬敷五教在寬。帝曰：皋陶，蠻夷猾夏，寇賊姦宄，汝作士，五刑有服，五服三就，五流有宅，五宅三居，惟明克允。

孔傳曰：后稷，主稷之官也。攻劫曰寇，殺人曰賊。在外曰姦，在內曰宄。三就，大罪于原野，大夫于朝，士于市。三居，大罪四裔，次九州之外，次千里之外。不明而遂言信罰，必妄用矣。此因禹讓而申命三人以舊職也。

帝曰：疇若予工？兪曰：垂哉。帝曰：兪，咨益，汝共工，垂拜稽首，讓于殳斨暨伯與。帝曰：兪，往哉。汝諧。帝曰：疇若予上下草木鳥獸？兪曰：益哉。帝曰：兪，咨益，汝作朕虞，益拜稽首，讓于朱虎、熊羆。帝曰：兪，往哉。汝諧。帝曰：咨四岳，有能典朕三禮？兪曰：伯夷。帝曰：兪，咨伯，汝作秩宗，夙夜惟寅，直哉惟清。伯拜稽首，讓于夔、龍。帝曰：兪，往。欽哉。帝曰：夔，命汝典樂，教胄子，直而溫，寬而栗，剛而無虐，簡而無傲。詩言志，歌永言，聲依永，律和聲。八音克諧，無相奪倫，神人以和。夔曰：於予擊石拊石，百獸率舞。帝曰：龍，朕聖，讒說殄行，震驚朕師，命汝作納言。夙夜出納朕命，惟允。

三禮，天地人之禮也。聲，五聲，律，六律，聲，大聲，拊，小聲，擊石而百獸率舞，以明和神人之非誣也。齔，疾殄，絕，言讒惡之者，能阻人善行，驚擾衆人，允，信，不妄，傳下言，不妄，宣帝命也。此皆詢問其職，允以易之，而申命之也。於同鳴，追捕稷契諸臣于後者，以前歷試攝位時，用之，或先或後，或在內，或在外，至卽正後，皆在朝而命之，故統敘于此。

帝曰：咨，汝二十有二，欽哉。惟時亮天工。

四岳，九官，十二牧，二十二人也。惟是明天工，總戒之，而終以欽焉。

三載考績。三考黜陟幽明。庶績咸熙。分北三苗。

傳疏曰。北。背也。三苗之實三危者。不彼則嘉之。在三苗者。不即工則征之。是九載黜陟幽明。并及于三苗。留善去惡。使分背也。

舜生三十徵庸。三十在位。五十載。陟方乃死。

孔傳曰。陟。升也。南方巡狩也。堯傳道于舜。舜傳于禹。二百年如一人在位。賢聖盈朝。雖四凶傲子無間言焉。此千古倣見之盛也。湯見知有伊尹。而放其君。文武見知有周公。而三叔流言。遇爲遜矣。孔子卒而道分。傳愈不及矣。孟子之門。則無傳矣。唐虞之氏。老者衣帛食肉。道路不提挈。少者不饑不寒。相仁相讓。亦二百餘年。子孫相傳。幾十世。商周則遜矣。漢唐而後。幾無此況味矣。

大禹謨

曰若稽古大禹曰。文命敷于四海。祗承于帝。

史將錄禹之謨。亦先爲題目之辭。曰。稽考古道而言者。大禹也。又申之曰。禹文德之命布于四海。皆敬承堯舜者也。故陳謨如下。謨。謀也。

曰。后克艱厥后。臣克艱厥臣。政乃乂。黎民敏德。帝曰。兪。允若茲。嘉言罔攸伏。野無遺賢。萬邦咸寧。稽于衆。舍己從人。不虐無告。不廢困窮。惟帝時克。益曰。都。帝德廣運。乃聖乃神。乃武乃文。皇天眷命。奄有四海。爲

天下君。

禹以君臣克艱陳謨。而舜引君艱以自考。推之于堯。益因之贊堯德也。

禹曰。惠迪吉。從逆凶。惟影響。益曰。吁。戒哉。儆戒無虞。罔法度。罔遊于逸。罔淫于樂。任賢勿貳。去邪勿疑。疑謀勿成。百志惟熙。罔遠道以于百姓之譽。罔咈百姓以從己之欲。無怠無荒。四夷來王。

禹以從道陳謨。益因歷陳從道去逆之事也。虞。度也。于。心無虞度之時而亦儆。所謂不顯亦臨也。百志。百慮也。百姓。亦指百官。遊逸。好逸也。淫樂。過樂也。

禹曰：吁！帝念哉！德惟善政，政在養民。水、火、金、木、土，穀惟修。正德、利用、厚生，惟和。九功惟敘，九敎惟歌。戒之用休，董之用威。勸之以九歌，俾勿壞。帝曰：俞！地平天成，六府三事允治，萬世永賴，時乃功。

善政、即九功也。君修之和之、德也。所以養民也。民各修之和之、則各得所養矣。水火金木土穀、民所養之材。盡矣。正德、利用、厚生、民之事盡矣。修、治也。和、互相濟也。偏于正德、或迂闊也。偏于利用、或淫巧也。偏于厚生、或專利也。休、美也。美其爲善、正成之也。之字皆指民言。威、刑也。刑其不善、乃董正之也。九歌、即樂韶九成也。

帝曰：格汝禹！朕宅帝位，三十有三載，耄期倦于勤。汝惟不怠，總朕師。禹曰：朕德罔克，民不依。皐陶邁種德，德乃降。黎民懷之。帝念哉！念茲在茲，釋茲在茲，名言茲在茲，允出茲在茲，惟帝念功。帝曰：皐陶，惟茲庶罔或干予正。汝作士，明于五刑，以弼五教。期于予治，刑期于無刑，民協于中，時乃功。懋哉！皐陶曰：帝德罔愆，臨下以簡，御衆以寬，罰弗及嗣，賞延于世，宥過無大，刑故無小，罪疑惟輕，功疑惟重，與其殺不辜，寧失不經。好生之德，洽于民心，茲用不犯于有司。帝曰：俾予從欲以治，四方風動，惟乃之休。帝曰：來禹！降水，儻予，成允成功，惟汝賢。克勤于邦，克儉于家，不自滿假，惟汝賢。汝惟不矜，天下莫與汝爭能。汝惟不伐，天下莫與汝爭功。予懋乃德，嘉乃丕績。天之歷數在汝躬，汝終陟元后。人心惟危，道心惟微，惟精惟一，允執厥中。無稽之言，勿聽。弗詢之謀，勿庸。可愛非君，可畏非民。衆非元后，何戴？后非衆罔與守邦。欽哉！慎乃有位，敬修其可願。四海困窮，天祿永終。惟口出好興戎，朕言不再。

舜乃遜禹以位，禹讓皋陶，舜因美皋陶之功。而終遜于禹也。邁、行、種、布、降、下、弼、輔。從欲以治、從心所欲。而政以治也。茲、指功德也。念茲而在茲、忘茲而亦在茲。言在茲、行在茲。謂其一心建功也。不辜、民無罪也。不經、上失常刑也。降同降。孟子曰：水逆行謂之洚水。成允、成舜教之信。成功、成治水之功。假、大。人心、食色也。道心、仁義禮智也。弗詢之謀、不問于衆之謀也。可願、可欲之謂善也。顏先生曰：民窮而天祿能長終乎。

、與可愛非君句
法同。反言也。

禹曰。枚卜功臣。惟吉之從。帝曰。禹。官占。惟先蔽志。昆命于元龜。朕志先定。詢謀僉同。鬼神其依。龜筮協從。卜不習吉。禹拜稽首固辭。帝曰。毋。惟汝諧。正月朔旦。受命于神宗。率百官。若帝之初。

枚卜。歷卜。官占。占卜之官。用占。惟。蔽。斷。昆。昆。後。不習吉。言卜之道已得吉。不
得又卜。以求重吉也。神宗。舜祖顓頊廟也。此禹又繼業功臣。而舜止之。乃攝位焉。

帝曰。咨禹。惟時有苗弗率。汝徂征。禹乃會羣后。誓于師曰。濟濟有衆。咸聽朕命。蠢茲有苗。昏迷不恭。侮慢自賢。反道敗德。君子在野。小人在位。民棄不保。天降之咎。肆予以爾衆士。奉辭伐罪。爾尙一乃心力。其克有勳。三旬。苗民逆命。益贊于禹曰。惟德動天。無遠弗届。滿招損謙。受益時乃天道。帝初于歷山。往于田。日號泣于旻天。于父母。負罪引慝。祗載見。矜矜。憂憂。齊慄。誓亦允若。至誠感神。矧茲有苗。禹拜昌言曰。兪。班師振旅。帝乃誕敷文德。舞干羽于兩階。七旬。有苗格。

羣后。衆諸侯也。誠。和也。班。還。振。振。振旅。見師非鈍也。大布文告之德。招徠之也。舞武舞文。舞于兩階。益。修文武之業也。益之贊禹。蓋以有苗經歷創之后。一時迷執。姑且收兵。不離遠其國。不勦絕其人。彼必畏威懷德。自然而來。非置之無可如何也。此議以六府三事節爲主。前後之言。皆欲成其善政也。

皋陶謨

曰。若稽古皋陶。曰。允迪厥德。謨明弼諧。禹曰。兪。如何。皋陶曰。都。慎厥身。修思永。惇敍九族。庶明勵翼。邇可遠在茲。禹拜昌言曰。兪。

上。屢言德。皋陶乃順考古道而陳之也。迪。道也。即蹈也。庶。明勵翼。言使衆臣勉勵翼贊也。

皋陶曰：都在知人，在安民。禹曰：吁，咸若時，惟帝其難之。知人則哲，能官人；安民則惠，黎民懷之。能哲而惠，何憂乎驩兜？何遷乎有苗？何畏乎巧言令色孔壬？

皋陶又言德之所見，在知人安民。禹因歎知人安民之美也。雖有苗等亦不必遽放，甚言之也。巧言、讒言庸違也。令色、象恭滔天也。孔、甚、壬、佞。

皋陶曰：都，亦行有九德，亦言其人有德，乃言曰：載采采。禹曰：何？皋陶曰：寬而栗，柔而立，愿而恭，亂而敬，擾而毅，直而溫，簡而廉，剛而塞，強而義，彰厥有常，吉哉！

皋陶乃歷陳人行之德也。載、行也。言其人之所行某事某事，以爲驗也。孔傳曰：亂、治；擾、順。九德，所以知人也。

日宣三德，夙夜浚明，有家。日嚴祗敬，六德，亮采有邦。翕受敷施，九德咸事，俊乂在官。百僚師師，百工惟時，撫于五辰，庶績其凝。

浚，深也。翕受，合九德于中。敷施，見九德于外。咸事，各有其事也。百官互相師法，則曰僚。僚、猶友也。以時治事，則曰工。工，亦事也。五辰，立春、立夏、立秋、立冬、及長夏日之所次也。翕受以下，筆濃墨飽，可歌可舞。與禹陳善政節同。后人于虛寫文字，猶見委致，至于實陳道德，輒格格梗滯。彼無于中，固不可強也。孔子贊易，至利見大人，神飛色王，可想見聖人心胸矣。

無教逸欲，有邦，兢兢業業，一日二日萬幾。無曠庶官，天工人其代之。

無教，無使。戒辭也。常人非逸則欲，兢業之反也。因而下之，庶官亦曠矣。邦畿亦邦也。予官下擬其辭，諸侯曰：無教逸欲，有邦，兢兢業業，一日二日萬幾，無曠庶官，天工人其代之。大夫曰：無教逸欲，有家，兢兢業業，一日二日百幾，無曠庶官，天工人其代之。士庶曰：無教逸欲，有身，兢兢業業，一日二日十幾，無曠庶事，天工人其代之。

天敍有典，勅我五典，五惇哉。天秩有禮，自我五禮，有庸哉。同寅協恭，和衷哉。天命有德，五服五章哉。天討有罪，五刑五用哉。政事懋哉懋哉。

承上「天工」而言。典禮服制，皆出于天。君臣當同敬同恭。和心以濟，不可以不勉也。自用情常。五服、天子諸侯卿大夫士之服也。前后篇皆以欽敬爲主。此乃實寫其欽敬之事也。五典、五倫也。

天聰明自我民聰明。天明畏自我民明威。達于上下，敬哉有土。

又歸天子民，以見民不可不安也。天子而下，凡有土者，皆當如此。

皋陶曰：朕言惠可底行。禹曰：兪，乃言底可績。皋陶曰：予未有知，思曰贊贊襄哉。

皋陶言終，自謂其言順道可行。禹是之而皋陶乃謙居無知，言惟思贊助帝舜以上理而已。

益稷

以禹言暨益稷，故以益稷名篇。觀舜曰：禹亦昌言，連上成文，故曰五篇一篇。

帝曰：來禹，汝亦昌言。禹拜曰：都，帝予何言？予思日孜孜。

皋陶曰：吁，如何？禹曰：洪水滔天，浩浩懷山襄陵，下民昏墊。予乘四載，隨山刊木，暨益奏庶鮮食。予決九川，距四海，濬畎澮距川，暨稷播奏庶艱食鮮食，懋遷有無化居，烝民乃粒，萬邦作乂。皋陶曰：兪，師汝昌言。

皋陶陳謨，而禹所陳者，率其身事，蓋功即其謨也。刑以弼教，皋陶之謨，又即稷之教也。蓋益禹稷事相連，稷事相連也。孔傳曰：昏，昏墊，溺。困水災也。舟，陸乘事。泥乘楫，山乘橈。奏，進。益進民之。

稷則魚簋也。

帝曰：都，帝慎乃在位。帝曰：兪，禹曰：安汝止，惟幾惟康，其弼直，惟勳，丕應，侯志以昭，受上帝。天其申命用休。

帝曰：吁，臣哉鄰哉，鄰哉，臣哉。禹曰：兪。

安，定也。所止，即上篇道心也。中也，德也。而實則典禮也。安以止之，惟事之來有幾，不可忽也。惟事之終當康，求其寧也。而又輔弼用直，凡所勳大應小民後待之志，則天休以集。舜聞安止必賴弼直，而嘆臣如比鄰相

野 乙 占 文

也助

帝曰：臣作朕股肱耳目，予欲左右有民，汝翼。予欲宣力四方，汝爲。予欲觀古人之象，日月星辰，山龍華蟲，作會，宗彝藻火，粉米黼黻，絺繡，以五采彰施于五色，作服，汝明。予欲聞六律五聲八音，在治忽，以出納五言，汝聽。予違汝弼，汝無面從，退有後言，欽四鄰。

舜因歷舉其輔于臣，那者而戒之以欽也。左右，教養民也。宣力四方，柔遠人懷諸侯也。日也，月也，星辰也，山也，有辨也。華蟲，雉也。六者給與于衣。宗彝，宗廟盛饗之樽，藻也。火也，粉米也。黼，斧形。黻，兩已相背。爲仁，商爲義，徵爲禮，羽爲知，宮爲信，五德之言也。汝，指禹等諸臣也。前後左右四鄰也。

庶頑諛說，若不在時，侯以明之，撻以記之，書用識哉，欲並生哉，工以納言，時而颺之，格則承之庸之，否則威之。

又應臣中有不在是朝直者，系曲以成就之，必不變，乃刑之，侯以明之，射以觀其德不德也，撻，鞭朴也，書錄其過也，總欲生全之也。又令樂工納言，以時而揚舉之，謂作爲美刺之辭也。如其至于善，則承繼而取之，登庸之，必不變，則威之，如四鄰，是也。

禹曰：兪哉！帝光天之下，至于海隅蒼生，萬邦黎獻，共惟帝臣，惟帝時舉。敷納以言，明庶以功，車服以庸，誰敢不讓，敢不敬應。帝不時，敷同曰：奏罔功，無若丹朱傲，惟慢遊是好，傲虐是作，罔晝夜領額，罔水行舟，朋淫于家，用殄厥世。予創若時，娶于塗山，辛壬癸甲，啓呱呱而泣，予弗子，惟荒度土功，弼成五服，至于五千，州十有二師，外薄四海，咸建五長，各迪有功，苗頑弗即工，帝其念哉。帝曰：迪朕德，時乃功，惟敘。皐陶方祗厥敎，方施象刑，惟明。